

Lanzamiento di e website di Futura Lab a tuma lugar



ORANJESTAD (AAN) – Futura Innovacion Social a lanza su website di Futura Lab recientemente, unda cu sra. Valery Croes, hefe di Innovacion di Gobierno di Aruba, a informa tocante esaki.

Sra. Croes a menciona cu durante 2019 nan ta bay ta hopi activo riba tereno di innovacion y diferente proyecto importante pa Aruba a wordo identifica.

Ya caba a traha cu diferente partner pa stimula innovacion, riba tur nivel, pues no solamente cu sector priva pero tambe cu nos muchanan pa educa nan tocante innovacion.

Tambe ta bay traha riba e proyecto e-Government, cu ta hopi importante, esta digitalizacion di gobierno cu ta tuma hopi tempo, pero nan ta cuminzando e aña aki involucrando nan stakeholders y e ciudadanonan pa nan duna feedback den e road map, cu nan ta trahando riba dje durante e proximo seis lunanan. E satisfaccion ta grandi despues di un aña hopi pisa cu a manera conta pa tres, pero unda e stakeholders a duna un gran acogida y a mira e importancia di innovacion pa Aruba su economia, pa nos muchanan, y pa e progreso di nos pais.

